



A i lejohet muslimanit të shesë produktet (të lejuara) që janë në zotërim të dikujt tjetër me dakordësinë e pronarit kur ai ia ul çmimin deri 10%? A i quhet kamatë kur produktin s'e ka të tijin dhe e nxjerr në treg?

الحمد لله و صلى الله و سلم على نبينا محمد. أما بعد

Lejohet që dikush të shesë mallin e dikujt tjetër, me lejen e tij, dhe për këtë nuk ka kundërshtim ndërmjet dijetarëve.

Ndërsa sa i përket çmimit.

Nëse pronari ka thënë: *“Unë dua t’a shesësh kaq, por nëse e shet më shumë, shtesa është e jotja”*, atëherë:

Disa dijetarë, prej tyre Imam Shafiu, thonë: *“Nuk lejohet.”*

Më e sakta është që lejohet.

E ka lejuar këtë Ibn Abbasi - shok i Profetit sal-lall-llahu alejhi ue sel-lem.

E ka lejuar Ibn Sirini - nxënësi i Ebu Hurejrës.

E ka lejuar Ataa - nxënësi i Ibn Abassit.

E ka lejuar Hasen el Basri.

[E përmend këtë Buhariu në Sahihun e tij]

E kanë lejuar dijetarët e Komisionit të Përhershëm.

Nëse pronari nuk i ka dhënë leje, lejohet t’a rrite çmimin në dobi të pronarit, por shtesa nuk i takon. Është detyrë t’ia dorëzoje pronarit.

Nëse pronari i ka dhënë leje me e ul çmimin, i lejohet t’a ule çmimin, por pa e dëmtuar pronarin.

All-llahu e di më së miri

Ai është më i Dijshmi

و الحمد لله رب العالمين

و صلى الله على نبينا محمد وعلى آله و صحبه و سلم